

# تاریخ عثمانی انجمنی

مجموعہ سی

ایک آیدہ برنشر اولتور

## مندرجات

طوقیو سرای ہاپونی (مابعد) . . . . . عبدالرحمن شرف  
غازی چلبی . . . . . احمد توجید  
عثمانی تاریخ نویسری ومورخاری (مابعد) . . . . . نجیب عاصم  
شہزادہ خلیلک سرکندشقی (مابعد) . . . . . یانقواسکندرھوجی  
باب عالی حریقاری . . . . . عبدالرحمن شرف  
حکومت عثمانیہ طرفندن ایلیک تأسیس اولنان مطبعہ { میستا کیدیس  
وبونک نشریاتی (مابعد) . . . . .  
تفرقہ : تاریخ سلطان محمد ثانی. مؤلفی قریشوولوس. مترجمی قارولیدی .

فیثائی و غروش

مرجمی — باب عالی تاریخ عثمانی انجمنی

استانبول

تاریخ عثمانی انجمنی

طبعی مشرقی

## غازی چلی

مجموعه منک بشجی جزئک اوچیوز اون یدنجی صحیفه سنده روم  
سلجوقیلرندن سلطان غیاث الدین مسعود نائینک مخدومی غازی چلییدن  
بخت ایدرکن د سینوبده اولسی لازم کلن مدفی حقنده معلوماته دسترس  
اولامادم . دیمش ایدم .

سینوب متصرفی عبدالله بک افندی سینوب شهرنده بولنان کتابه لری  
جمع ایله بو عید عاجزه کوندرمک لطف مخصوصنده بولوندیغندن وبونلر  
اره سنده غازی چلی نك کتابه سنک مزارى ده موجود اولدیغندن میر  
مومی الیه عرض تشکرله بروجہ زیر قید ایتدم :

سینوبده علاء الدین مدرسہ سی صاغ گوشه سنه تصادق ایدن مقبره ده :  
باش طاشنده :

چلی

هذا قبر غازى  
طاب الله ثراه  
بن مسعود چلی

ایاق طاشنده :

فی تاریخ سنه  
اثنی عشرین و سبعمائه

قبر طاشی اطرافنده :

الهی لت للفر دوس اهلا  
فهب لی ذلنی واغفر ذنوبی  
ولا اقوی علی النار الجحیم  
فانک غافر الذنب العظیم

اشبو کتابه سنک مزاردن غازی چلی نك یدی یوز یکر می ایکی سنه سنده  
ارتحال ایتدیکی میدانه چیقیور .

بو قبر جوارنده برخانه بانچه سنده بولونان بر قویو غازی چلی به اسناد

اولنیورمش .

اسفندیار اوغلرندن ابراهیم بن سلیمانک  
 سینوبده کی جامی  
 تاریخ اسلامه متعلق اولان سینوب کتابه لری اوج دوره تقسیم  
 اولونه بیلور .

(۱) روم سلجوقیلری دوری

» (۲) اسفندیار اوغللری

» (۳) دولتعلیه عثمانیه

سینوبده اسفندیار اوغللری دورینه تاند اک اسکى کتابه مجموعه مزك  
 التبحر نديخه سنك ۳۸۶ نجى صحيفه سنده احوالى بر نبذه بيسان ايتديكم  
 ابراهيم پاشا بن سلیمان پاشايه منسوبدرکه ایچ قلعه ده کی جامع شریف قبوسنك  
 شرق طرفنده بولونمقده در .

یدی یوز قرق ایکی سنه سنی مشعر اولان کتابه مذکوره شودر :

لا اله الا الله محمد رسول الله قال النبي عليه سلام من نبى مسجداً لله تعالى  
 نبى الله له قصرأ في الجنة . امر بعمارة هذا الجامع المبارك الاميرالا كرم غياث الدنيا  
 والدين ابراهيم بن سليمان عن نصره سنة اثني اربعين سبعمائة .

کتابه لرك تاريخاً اهميتى مستغنى بياندر . اناطولیده بولونان مبانى  
 خيريہ اوزرلرنده کی کتابه لری بر جمع ايدلسه تاريخك برچوق نقاط  
 مجهوله سی معلوم اولور ويا ککشلری ده تصحيح ايدلس بولونور .

کردی بولی [ کرده ]

مالک الابصارده قسطونى وسینوب دولتک حدودندن بحث ايدرکن  
 العسرى جنوباً « طغانجق » و شمالاً ده « سلطان بوی » مملکتی ایله محدود  
 اولدینتی ذکر ایتکده در .

طغانجق حقنده بر معلوماته دسترس اولامادم .

سلطان بوی حقنده صریح و قطعی برشی دیه من ایسه مده ابن بطوطه

طرفدن کردی بولی ( Germanicopolis ? ) ( کرده ) ده حکومت  
ایتدیکی بیان اولونان شاه بك اولسی مختلدر .  
بروسده سد باشی جوارنده اسحاق شاه جامعی قپوسی اوستنده  
كوچك قطعهده برطاش اوزرنده کی کتابه تاریخیده « السلطان بوی »  
تعییری واردر . سکز یوز یکریمی درت تاریخی حاوی کتابه مذکورہ پی  
شویله اوقویہ بیلمد .

امر بسارة هذا المعبر [۱] المحتاج الى الله غني

۸۲۴

اسحاق شاه بن عوض شاه السلطان بوی

ابن بطوطه سياحنامه سنك نسخه اصلیه سی مفقود اولوب مطبوع  
اولان نسخه مختصره سیدر نسخه اصلیه بولونسه اناطولی تاریخی حقیقه  
خیلی معلوماتی جامع اولماسی قویاً ظن اولونور .  
روم سلجوقلرینك اقراضی وایلخانلرک استیلاسی متعاقب  
اناطولیده هر دردهده، هر قیا باشنده برر بك توره مش و برقریه صغیره یه  
مالک اولان بیله « سلطان » عنوانندن غیر بر عنوان آلفه تنزل ایتیه رک  
بر حکومت تأسیسه قالمش اولدقلری اکلالمقدهدر .  
اسحاق شاه و پدری عوض شاه کرده حکمدار لریمی در و بویله اولدینی  
تقدیرده ابن بطوطه نك ذکر ایتدیکی شاه بك عوض شاه اولامایه چقندن عجبیا  
پدریمیدر یا خود جدیدر بونلر محتاج تدقیق مسائل تاریخی در که ارباب  
وقوفک غیرت و همترندن منتظر در .

احمد توحید

